



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 11. De beneficiis incompatibilibus.

[urn:nbn:de:hbz:466:1-73045](#)

Tract. in Lib. III. Decretal. Quæstio V.

74

Canonicatus, duæ Parochiaæ : quæ vero diversum (ut Canonicatus, & Parochia) *dissimilitudine*. Quæ ultra nomen beneficii, *speciale nomen* habent (v.g. *Decanatus, Præbischitæ &c.*) dicuntur *nominata*; quæ secus innominata denique *sub eodem tezio* dicuntur non solum illa, quæ sunt in eadem Ecclesia principali, sed etiam in Capella, Cemiterio, vel ambitu contiguo Ecclesiæ; non item ea, quæ sunt ita in Capella, vel Cemiterio contiguo Ecclesiæ principali, sed extra septa illius; sic García de beneficiis p. 11. c. 5. n. 259. Horum terminorum explicacionem propterea hic referre, ac apponere volui, quia sapienter in dicendis occurret illorum mentio, ut legentibus constet eorum significatio.

§. 11.

De beneficiis incompatibilibus.

303 *B*eneficium *Compatibile* dicitur, quod simul cum alio beneficio retineri libere, ac licetè potest; hinc illud, quod de jure cum alio licetè retineri non potest, *incompatibile* vocatur. Et ideo (ut not. Vivianus cit. à n. 164.) *incompatibilitas* beneficiorum, *est concursus, (sive pluralitas)* beneficiorum in una persona, à jure reprobatus. Ex his quedam sunt *simpliciter incompatibilia*, quorum scilicet natura est, ut ipso jure primum, seu quod prius habetur, vacet, adepto secundo; quando autem, adepto secundo, primum non vacat ipso jure, sed tantum illicetè retinetur absque dispensatione, & ideo unum eorum à Superiore tolli potest, dicuntur *incompatibilia secundum quid.*

304 Not. autem. 1. ex duplice capite nasci *incompatibilitatem* beneficiorum; primo, quando ex jure communi confuctudine, statuto, vel fundatione, requirunt personalem residentiam continuam, & administrationem in distinctis locis; secundò, quando unum eorum sufficit ad congruam, & decentem sustentationem Beneficiati. Ratio porro prohibendi pluralitatem beneficiorum in eadem persona sine dispensatione, sumitur ex c. *Quia in tantum* 6. h.t. ubi Alexander III. ita loquitur: quia in tantum quorundam processit *ambitio*, ut non duas, vel tres; sed plures Ecclesiæ perhibeantur habere, cum nec duabus possint debitam provisionem impendere; per Fratres, & Coë-

piscopos nostros hoc emendari precipimus, & de multitudine *præbendarum, Canonicis inimica*, quæ *dissolutionis materiam*, & *evagationis* inducit, certumque continet *periculum animarum*, eorum, qui Ecclesiæ deservire valcant, indigentiam volumus sublevare. Similiter in jure veteri cautum erat, ut constat ex c. *Sanctorum dict. 70.* & causa 21. q. 1. per totum. Causas porro hujus prohibitio-*nis, ex dict. c. 5.* enumerat Panormitanus *ibid. n. 2.* ex quibus 1. est, propter delictum ambitionis; 2. propter impotentiam, aut difficultatem pluribus serviendi; 3. quia inducit materiam dissolutionis tam in mortibus, quam in vestibus; 4. quia causa vagandi licentiam, si Ecclesia sint in dissitis locis. 5. quia continet periculum animarum, nisi ad sit legitima causa; qua deficiente nec dispensatio quidem relevat.

Deinde in c. *ad hanc, 13. h.t.* expressè 305 dicitur, *omni rationi contrarium, ut unus Clericus, in una, vel diversis Ecclesiis, plures dignitates, vel personatus obtineat*; cum singula officia in Ecclesiæ assiduitatem exigant personarum. Secundò, in c. *Præterea, 14. eodem*, de G. qui in tua, & Tolosana Ecclesia est Archidiaconus constitutus, & in utraque Ecclesia regulariter professus: Mandamus, inquit Pontifex, *quatenus eundem, altero, quem maluerit, Archidiaconatu, facias esse contentum.* Tertiò, in c. *cumnon. 15. eodem*, ibi: *cum non ignores, quod una Ecclesia unius debet esse Sacerdotis*; nos attendentes, non esse convenientis, *ut idem Presbyter locum habeat in duabus Ecclesiis*: mandamus, quatenus ipsum beneficio, quod habet, facias manere contentum; quod, si forte Archipresbyter, & Clerici alterius Ecclesiæ, in eum consenserint, eis nunc dissentientibus, cum ipsorum scandalo non debet locum in ipsa Ecclesia querere, vel habere.

Quartò, in c. *de multa, 28. eodem* statuitur. 1. quod habens personatum, vel beneficium curatum, si secundò tale recepit, vacet primum; si retinere contendit, etiam secundo privabitur. Deinde, quod is, ad quem spectat beneficium curati collatio, licetè conserat statim, cum institutus aliud recepit: &, si intra sex menses non conserat, devolvatur ad

ad alium collatio, & aliter puniatur. Ter-
tio, quod in sublimibus, & literatis per-
sonis, circa pluralitatem beneficiorum
incomparabilem, solus Papa dispen-
sat.

307 Præter allegata jura, in c. Super eo, 6. h.
t. in 6. dicitur: habere Personatum cum
cura, & præbendam, cui annexa est pa-
ræcialis Ecclesiæ, non esse contra Concilium
generale. In c. sibi 26. cod. tit. &
libro: per adceptionem secundi beneficii
curati (cujus fructus alter ex causa per-
cipit) non vacare primum. In c. Eum,
qui, 18. cod. tit. & libro statuitur, eum,
qui beneficium curatum, cui animarum
cura imminet, vi occupat, seu se scien-
ter injuste intrudit in eo ipso jure fore
privatum beneficio, quod cum cura si-
mili primitus obtinebat. In c. Licet 28.
codem secundo beneficio curato effectu
aliter adepto, primum consimile (eius pos-
sessore irrequisto) conferri posse; non
autem eius possessionem dari. In c. cum
singula, 32. cod. Religioso habente Prio-
ratum, vel Ecclesiam curatam (si reci-
pit secundum, sine licentia Papæ) ipso
jure vacare primum; quod si statim
non dimiserit, effici ineligibilem, & pri-
vari utroque. Eadem est poena in iis,
qui habebant ante hanc constitutionem,
nisi intra mensum alterum elegerint, & al-
terum dimiserint.

308 In Clementinis constitutum est. 1.
quod, si rescribat Pontifex, & dignitatem
habenti, de alia provideti mandet, dispen-
sando, ut simul utramque retineat; de
animarum cura autem, qua illis vel alteri
earum immixt, non faciat mentionem:
gratiam ejusmodi esse subreptitiam, &
nullius momenti, et si literis sit insertum
quod cura animarum nullatenus negli-
gatur. Si porrò mandet alicui provideri
de dignitate, ad cuiuscunque, vel quo-
rumcumque dispositionem, in certa Ecclesie
pertinentem, quam infra mensum
duxerit acceptandam: inhibendo simul,
ne interim ad collationem, vel electio-
nem procedatur: de dignitate electiva
non posse impetranti providere, cum in
concessione gratia (ad quam non augen-
dam, sed exequendam inhibitio sequens
referatur) nulla electionis facta sit mentio;
sichabetur in Clement. si dignitatem, 1.
h.t. Secundò, quod, si dignitates plures

Tom. III.

obtinens, aliam similem, vel beneficium
curatum, sine legitima dispensatione ac-
cipiat, post habitam possessionem pacifi-
cam posterioris, sive vetimi beneficii,
dignates priores ipso jure vacent:
sicut, si dignitatem unicam obtinenti,
alia similes conferretur, ejus pacifica pos-
sessione habitâ, prima de jure vacaret;
sichabetur Clement. si plures 3. eod. Ter-
tio, quod, si quis juxta formam mandati
Apostolici Canonicatum, & Præbendam
adeptus, in eadem Ecclesia dignitatem,
quam duxerit acceptandam, expectet:
Archidiaconatum inibi post vacantem,
etsi certa sit ei præbenda annexa, poterit
acceptare: Sed prior præbenda eo ipso
vacabit, quod sevendam cum Archidia-
conatu pacificè sit asseditus; ita Clement.
si juxta, 6. eod.

Circa eandem pluralitatem beneficio-
rum plura statuit Joannes XXII. ut habetur
in ejus Extravag. Execrabilis h.t. ubi cir-
ca illos, qui tempore illius constitutionis
editæ, plures Dignitates, aut beneficia,
etiam ex dispensatione obtinebant, sta-
tuit seqq. 1. quod obtinentes tunc ex di-
spensatione legitima plures Dignitates,
Personatus, Officia, Prioratus, aut benefi-
cia, quæ sine dispensatione obtinere non
poterant; unum tantum ex his, quibus
cura imminent animarum, cum Dignita-
te, Personatu, Officio, vel beneficio cu-
rato, praetextu dispensationis possint obti-
nere. 2. quod unum aliquod teneantur
intra mensum eligere, à tempore notæ
hujus constitutionis; 3. quod cætera be-
neficia, sive cum cura, sive sine cura, quæ
ex dispensatione obtinebant, ex tunc va-
cent, & coram Ordinario sub testimonio
publico, intra idem tempus dimittenda
sint.

Quarto, quod prædicti, alioquin tam
his, quam aliis beneficiis, quæ virtute hu-
jus moderationis retinere poterant, simul
ipso jure sint privati, & prorsus inhabiles
ad alia beneficia obtinenda; 5. quod per
hoc illis, qui plura beneficia ex dispensa-
tione, juxta hanc moderationem, ob-
tinent, vel aliqua expectant, & cum
vacaverint, recipere, ac tum obtenu-
tis, retinere possunt, non velit deroga-
tum: quin, si vacabunt, ea intra
mensum elegant, & dimissis aliis, in
formâ præscriptâ recipiant, atque reti-
nant,

K 2

ncant,

76 Tract. in Lib. III. Decretal. Quæstio V.

neant, poenas similes incursum, si contra faciant 6. quod qui plura talia beneficia simul, sine dispensatione retinent, omnia sic detenta, illo duntaxat retento, quod reperunt postremo (dummodo collatio fuerit Canonica) intra mensem itidem coram Ordinario, sub testimonio publico dimittant, alioqui etiam illo ipso beneficio, ipso jure privati, & inhabiles ad quæcumque alia futuri sint.

311 Post hæc, quoad eandem beneficiorum pluralitatem statuit, quid deinceps tenendum, ut habetur in dict. Extravag. §. Qui verò deinceps, circa quem casum constituit seqq. 1. ut, qui deinceps reperirent dignitatem, vel Personatum, sive Officium, aut aliud beneficium curatum, si ante simile obtinebant illud (quo ipso jure, si possessionem secundi habuerint, vel per ipsos ftererit, quò minus habeant, privati sunt) coram Ordinario dimittere debeant, pati modo sub iisdem poenis: 2. Quod omnia, & singula beneficia ejusmodi vacatura, ut præmittitur, vel dimissâ, Pontifex sibi, & Sedis Apostolicae dispositioni reservet.

312 Sub hæc, declarat. 1. per Ordinarios, in his casibus, intelligi Episcopos, in quorum Dicecibus sunt beneficia sic dimittenda, aut ipsi dimittentes, & Capitula Ecclesiasticalia Cathedralium Sede vacante: qui de beneficiis tam dimissis, quam perditis, Papam certificare studeant, quam primum commode poterunt; 2. declarat illa duntaxat beneficia Ecclesiastica, qualiter cum que nuncupata, animarum curam habere, quæ Parochias habent, in quibus animarum cura, non per Vicarios perpetuos, sed per beneficiorum Rectores, aut Ministros ipsos, vel illorum temporales Vicarios exercetur; item, quorum Ministris, ratione beneficiorum hujusmodi, competit visitare, inquirere, censuras ferre, & ab his absolvere.

313 Ex juribus hæc tenuis allatis facile colligitur, quantum Ecclesia, & summi Pontifices cupiant, ac præcipiant, ne beneficiorum pluralitas in eadem persona, sine dispensatione, ullo modo sustineatur tum propter causas, quæ in quolibet c. ex allatis assignantur; tum etiam eas, quas retulimus n. 304. Quia tamen experientia constat, hodie à pluribus, & suscipi, & retineri plura ex his, quæ in citatis juribus interdicta videntur, ruentes se vel constituidine

& praxijam receptâ, vel in sufficientiâ frumentum ad decentem sustentationem, nascentium ex uno duntaxat beneficio: ideo norandum universaliter ubi habente unum beneficium Ecclesiasticum, non posse licite, rmo quandoque nec validè recipi alterum, nisi cum eo in pluralitate beneficiorum dispensetur. Hinc, ex quo cum aliquo dispensatus est legitimè in beneficiorum pluralitate, per consequens censetur dispensatus in omnibus accessoriis, & necessariò connexis; *Gloss. c. Quia in tantum, V. plures.* Quare dispensatus ad plura beneficia, quæ residentiam exigunt, eo ipso censetur dispensatus in linea non residendi in utroque; sed tantum in altero; ita communis cum Sanchez l. 8. *Matr. D. 1. n. 19.*

Priusquam autem descendamus ad particularia in hac materia quæstiones, *not. 1. c. ad hæc*, de quo n. 305. non extendi ad casum, quo quis in eadem Ecclesia haberet dignitatem simul cum Canoniciatu; cum loquatur solum de pluribus dignitatibus, vel Personatibus; Sed nec in Concil. Trident. *sess. 24. c. 17.* prohiberi hoc, quod diximus; cum ibi solum dicatur, ne quis in duabus Ecclesiis conscribatur, contra aliquos Canones; deinde ut singularis singula conferantur beneficia; & quod, si non sufficit, liceat addere aliud simplex sufficiens, dummodo utrumque personalem residentiam non requirat. Ex qua conditione hoc ipsum intelligitur de diversis Ecclesiis, in quibus simul residere nemo potest; in eadem autem Ecclesia potest quis satisfacere pluribus beneficiis per eandem residentiam, modò non sint ex alio capite incompatibilia.

Not. 2. quando in c. Præterea, de quo 315 n. 305. Guilielmo, qui in diversis Ecclesiis duas dignitates, seu Archidiaconatus obtinebat, contra id (quod jure communii permisum est, ut constat ex dictis juribus à n. 305.) Pontifex indulsit, ut ex illis, quem mallet, unum retineret, altero dimisso; id factum ex speciali gratia Papa; jure enim communii, hæc option non permittitur. Nam habenti dignitatem, vel Personatum non licet recipere simile, ex num. 305.

Not. 3. beneficium Curatum illud dicti 316 communiter, cui singulariter, & principaliiter præficitur Clericus ad curam fori pœnitentia-

- nitentialis, necessariò exercendam per se; vel per temporem Vicarium juxta Rebuffi de nominat. q. 16. a. n. 7. Flamin. de resign. l. 2. q. 1. a. n. 107. & videtur insinuari Extravag. Execrabilis, de qua n. 312.
- 317 Not. 4. beneficium, quod habet curam jurisdictionalem etiam fori exterioris (ut Vicarius, Officialatus, Decanatus) eiſi curam habeat, ideoque curatum dici possit, communiter tamen nomine *beneficii curati* non intelligi, nec sufficere ad inducendam incompatibilitatem beneficiorum, de qua in praesenti, ut tenet Stephan. Gratian. *discept. for. c. 133. a. n. 29.* juxta dicenda *infr. ad c. Super eo. 6. h. t. in 6.* nec etiam illud, quod non est *a cura* curatum, sed tantum *habitu*; ut, si populus peste, fame, bello sit sublatus, & esse desiderit; & si Ecclesia remanserit, ad quam si quis promotus fuerit, non tenetur intra annum Sacerdotium suscipere, nisi populus redierit, aut redeat, ut tradit Azor p. 2. l. 6. c. 8. q. 9.
- 318 Not. 5. illi, quod c. *de multa*, relato n. 306. dicitur (quando quis habens beneficium *curatum*, recipitaliūd *tale*, in poemam esse ipso jure illo privatum,) opponi primo c. *Quia non nulli* 3. de Cleric. non resident. ubi talis non privatur *primo*; sed *secundo*; deinde c. *Præterea*, ubi permittitur optio eligendi unum ex duobus. Sed *q. capitulum præterea* procedere de gratia *speciali*, ut notavimus n. 315. & capitulum *de multa*, de jure communi; & per hoc tanquam posteriori, aliis contrariis derogatum esse.
- 319 Sed quæres, an juxta decretum Tridentini *eff. 7. c. 4.* receptio secundi beneficii inducat *ipso jure* vacationem primi non solum in beneficiis *curatis*, sed etiam *aliis* incompatibilis? ut sunt ea, quæ requirunt residentiam personalē in corum quolibet affirmativam sequitur Garcia, & alii apud Barbos. in Trid. cit. n. 2. Ratio videtur posse desumti ex Tridentino *eff. 7. c. 4.* ubi dicitur: quicunque *de cœtero plura curata, aut alias incompatibiliæ beneficia Ecclesiastica*, sive per viam unionis ad vitam, seu commendæ perpetuæ, aut alio quoconque nomine, & titulo, contra formam Sacrorum Canonum, & præsertim constitutionis Innocentii III. quæ incipit, *De multa*, recipere, ac simul retinere *præsumpscrit*, beneficis ipsis, juxta ipsius constitutionis Innocentianæ dispositionem, *ipso jure, etiam præsentis Canonis vigore, privatus existat*; de quo Barbosa ibidem n. 2. incompatibilitatis hoc decretum, inquit, procedit in illis, qui post Tridentinum recipiunt *duos Canonicatus*. Nam, quod de incompatibilibus beneficiis dicitur in hoc decreto, intelligendum est *de omnibus beneficiis*, residentiam requirentibus, quæ aliquis post publicationem Concilii receperit, veluti *duos Canonicatus*, vel *Canonicatum cum Parochiali*.
- q. affirmativam mihi videri probabilem negante, quam sequitur Navarrus, Sayrus cum P. Wagnereck in c. *de multa* §. Nota 3. quia, licet eam non inducat, in quantum innovat, & se refert ad c. *de multa* (hoc enim expressè loquitur solum de beneficiis *curatis*) inducit tamen, vi eorum verborum (quicunque de cœtero *plura curata, aut alias incompatibiliæ*) contra formam Sacrorum Canonum, & præsertim constitutionis Innocentianæ recipere, ac retinere *præsumpscrit*, *beneficiis ipsis* ipso jure privetur.*
- Ex his enim verbis constat, Tridentinum, etiam *præsentis Canonis vigore* loqui etiam de beneficiis *non modo curatis, sed etiam non curatis*, & quidem indefinitè, quin decretum restringat ad beneficiis solum *qualificata*, etiam non curata. Et quamvis aliqui negent, particulam *præsertim esse implicativam*, seu inclusivam, de quibus ante loquebatur textus; si quis tamen rectè consideret ipsum decretum, particula *præsertim*, solum denotat, easdem poenas privationis ipso jure inductas intelligi *nontantum de beneficiis, alias incompatibilis* juxta Sacros Canones; *sed præsertim*, seu præcipue, *etiam de illis*, de quibus agit Innocentius in c. *de multa*, non modo quoad *substantiam*, sed etiam *modum*, nimurum, ut secundo recepto, ipso jure vacet *primum*; & si nihilominus utrumque retinere *præsumpscrit*, ipso jure careat utroque.
- Not. 6. quando dicitur, beneficium *primum* vacare, ubi quis *recepit aliquid, receptionem debere accipi*. 1. si habitu primo, *ex quo perecipit fructus*, recipiat *secundum*; ratio sumitur ex c. *Super eo*, de quo n. 307. Deinde *accependum*,

78 Tract. in Lib. III. Decretal. Quæstio V.

de receptione non solum, in quantum importat beneficii collationem & acceptationem ; sed etiam, possessionem pacificam, quamque non sterilem, sed frugiferam, seu cum perceptione fructuum, saltem ex majori parte. Cum enim versemur in dispositione pœnali, receptione sumenda est strictè, nimis cum effectu ; ita Flaminius de Resign. benefic. l. 3. q. 1. a. n. 129. quod etiam constat ex c. licet 28. h. t. in 6.

321 Not. 7. si quis habens beneficium curatum, recipiat itidem secundum, etiam curatum, eum, qui huic primum contulit, statim possit illud alteri conferre, per c. de Multa, ibi : *is quoque, ad quem prioris spectat donatio* (seu collatio) *illud post receptionem alterius liberè conferat, cui merito viderit conferendum*; cum facta receptione secundi, primum ipso jure vacet. ex n. 318.

Not. 8. si ejusmodi Collator, dictum beneficium ultra sex menses conferre distulerit, collationem ejus devoluti ad Superiorem ; & ductum Collatorem puniri, sic, ut tantum in utilitatem Ecclesiæ, cuius est illud beneficium, de suo teneatur persolvere, quantum à tempore vacationis dicti beneficii constiterit, esse perceptum ; ita Clarus textus c. de Multa.

322 Not. 9. quæ diximus ex c. de multa quoad receptionem secundi beneficii curati, etiam procedere de receptione secundæ Dignitatis, vel Personatus, licet non habeat annexam curam animarum; constat ex extenu, ibi : *hoc idem de Personatis esse decernimus observandum, attendentes, ut nullus in eadem Ecclesia plures Dignitates, aut Personatus habere presumat, etiamsi, &c.*

Not. 10. cum Pontifici supplicatur pro dispensatione in pluralitate beneficiorum, ceteroquin incompatibilium, qualitatem Nobilitatis recipi à Pontifice, tanquam sufficientem causam concedendi dispensandi; quod à fortiori procedit si conjuncta sit cum doctrina; quamvis etiam sola doctrina sufficiat, sine Nobilitate, const. ex c. de multa, ibi : *circa sublimestamen, & literatas personas*, quæ majoribus sunt beneficiis honorandæ, cum ratio postulaverit, per Sedem Apostolicam poterit dispensari, ut notavimus n. 306.

323 Not. 11. quod, si quis habens benefi-

cium curatum sine dispensatione recipiat secundum (idem est de Dignitatibus, & Personatibus, ex dict.) & utrumque retinere contenderit, non tantum ipso jure omittat primum, ut alteri conferri possit; sed etiam spoliandus sit secundo, non tantum vi c. de multa, ibi : *etiam alio sollicitur*, sed etiam vi Tridentini, licet secundum non sit beneficium qualificatum, incompatibile tamen cum primo ; constat hæc secunda pars de Tridentino, ex n. 319.

Not. 12. per c. de multa, providentia, seu constitutioni factæ in CC. Lateranensi, ut nullus diversas dignitates Ecclesiasticas, vel plures Ecclesiæ Parochiales recuperet contra Sacrorum Canonum instituta sub pena acceptum omittendi, non esse derogatum, nisi in hoc, quod nunc ipso jure omittatur primum, seu prius habitum; adeoque pœnam à Lateranensi decretam in eum, qui habenti dignitatem, vel Ecclesiæ Parochialel confert alteram, qua largiens (scienter) secundam, largiendi potestate privetur, adhuc perfare.

Not. 13. quando in c. Super eo (de quo n. 307.) dicitur, non esse contra Concilium generale (de quo priori numero) habere Personatum cum cura; vel præbendam cum Parochia, intelligendum, quando illi cura, vel Parochialis Ecclesia annexa est; sic Rebuffis in praxi beneficiorum, tit. Forma, & declaratio novæ provision. V. cum annexis; nam habens dignitatem, vel etiam Canonicatum, cui annexa est Parochia, in hac non tenetur; & in illo, potest residere per c. Extirpandæ, §. qui vero. h. t. Ex quo vides, constitutioni de multa, hic non esse locum; per gloss. in c. Super eo, quo fit, quod ratione unionis ab uno possint obtineri plura beneficia, ceteroquin incompatibilia; sic Flaminius cit. l. 3. q. 1. n. 119. Gonzalez ad 8. regul. Cancell. gloss. 5. §. 2. n. 21. V. tamen decretum Tridentini, de quo a. n. 319.

Not. 14. quando in c. si tibi. 26. h. t. in 6. dicitur, primum beneficium curatum non vacare ex receptione secundi, quando fructus primi alias ex causa percipit, communiter deduci à Doctoribus, quod beneficium non dicatur obtinere, qui ex eo fructus percipere nequit, quādiu scilicet percipit alius; quo fit, requiri, quod habeat cum effectu, nimis fructuum

etuum

- Etuum perceptione, (sic *gloss. V. vacare*)
saltem majoris partis.
- 325 Not. 15. ut vacatio *primi* beneficij, per
secundi receptionem inducatur, non suffi-
cere receptionem cum possessione, nisi
hæc sit *pacifica* tam *de facto*, quam *de jure*;
adeoque absque controversia juris,
& facti; tam *judicialis*, quam *extraju-
dicialis*; sic *Mascardus de probat, con-
clus. 183. Flamin. l. 3. q. 1. n. 129. Azor.
p. 2. l. 7. c. 16. q. 9.* & alii, quia dispositio
hæc, inducens eam vocationem, est po-
nalis, consequenter interpretationis stri-
cta.
- 326 Not. 16. quamvis in casu, quo *primum*
beneficium ipso jure vacat per adeptio-
nem *secundi*, illud ab Ordinario possit al-
teri conferri, etiam non vocato priore
Possessore; huic tamen secundo non pos-
se dari corporalem possessionem illius be-
neficij, *non vocato priori curato*, ut dic-
itur in c. *Licet Episcopus de quo egimus*
n. 307. quia illi adhuc posset competere
jus retinendi, ne privetur possessione inau-
ditus; sic *Gonzalez cit. gloss. 15. §. 1. a
n. 39. Sanchez in Dialog. l. 2. c. 26. n. 12.*
Nullus enim sine citatione, & actu judicia-
li à sua possessione amovendus est; sic *Fla-
minus. l. 11. q. 10. a. n. 10.* & alii. Si dicas,
quod plurium beneficiorum incompatibili-
um *retentioni resistit* jus commune, ut
constat ex dict. & in tali casu *afficit Epis-
copo*, ad quem spectat collatio beneficio-
rum vacantium; ergo non tantum con-
ferri, sed etiam in possessionem tradi poter-
it alteri, non vocato priore Possessore be-
neficij vacantis per adeptiōem primi.
Ant. 1. pars constat ex dict. c. *de multa*;
secunda vero ex c. *frequentius 3. de In-
stitut.* nam beneficiorum vacantium insti-
tutio de jure pertinet ad Episcopum, ac jus
Officialium ejus; consequenter & investitu-
ra, seu possessionis traditio sine respectu
adeos, qui prius habuerunt. q. illam *re-
sistentiam*, & *affidentiam* juris, non esse
circa idem, seu in iisdem terminis. Nam
beneficato, habenti unum beneficium re-
sistit quoad *adoptionem*, & *retentionem*
primi; Episcopo autem, ut beneficium
exinde vacans *liberè conferat*, non tamen,
ut *cum non vocatum possessione dejiciat*,
alteri eandem conferendo.
- 327 Not. 17. inter constitutionem c. *de
multa*, & eam, quam retulimus n. 309.
- in Extravag. *Excrebilis*, plura esse, in
quibus posterior severus procedit illa.
Nam 1. vi illius c. solū, non licet recipere
secundum beneficium qualificatum si-
mile priori, v.g. habito uno curato, aliud
simile curatuū; unde vi ejus non erat pro-
hibitum, habitā *dignitate*, recipere aliud
curatum *sine dignitate*, nisi alio titulo fo-
ret incompatibile: per dict. autem Extra-
vag. neque hoc *tunc* permisum esse, nisi
intuitu dispensationis habitā super pluri-
bus beneficiis retinendis; et si *deinceps*,
& *in futurum*, illud non prohibeat, nec
dispensationis mentionem faciat. Secun-
do, capitulum *de multa* solū inducit
privationem *primi* beneficij post adeptio-
nem *secundi*, similis priori; & si *utrumque* rete-
neat, etiam secundi: Extravagans
autem ista, illi poenæ superaddit alteram,
*ut talis reddatur inhabilis ad quæcumque
familia habenda*. Tertiò, per istam
Extravag. omnia beneficia, per transgres-
sionem dictæ constitutionis vacatura, vel
dimissa, reservantur Pontifici; de quo
nihil dicitur in c. *de multa*; & quamvis, ut
voluntaliqui, hæc reservatio jam sit *anti-
quata*; contrarium tamen habetur ex 1.
Regula Cancellarie (quam singuli Ponti-
fices, de novo creati, innovant) per quam
reservantur omnia beneficia, quæ per con-
stitutionem, seu Extravag. *Excrebilis*,
vacant, aut *vacare* contigerit.
- Ex dict. sequitur. 1. duos Episcopatus, 328
duas Abbatias, duas Parochias, duas Vicari-
rias perpetuas, & reliqua beneficia curata
esse simpliciter incompatibilis; cùm exi-
gant residentiam formalem veram c. *de
multa*. 2. b. t. & ubi quis illud secundum
cum primo retinere contendet, etiam se-
cundo spoliandum esse, ut ibidem dicitur
in textu, & hæc pena innovata est per
Trid. *sess. 7. de reform. c. 4.* ubi sermo est
de omnibus beneficiis incompatibilibus,
id quod etiam tener *Barbosa* in c. *de mul-
ta*, a. n. 7.
- Sequitur 2. duas Dignitates, vel duos
Personatus in eadem, vel diversis Ecclesiis,
esse incompatibilis de jure c. *Ad hæc 13.
b. t.* non tamen simpliciter, ut colligitur
ex c. *preterea. 14. cod.* ubi dicitur, quod
habens duas Dignitates, una retentā, alte-
ram dimittere compellatur; non autem,
quod alterā *ipso jure privatus* sit. Sed
hoc ibi dicitur secundum primum tempus
ante

80 Tract. in Lib. III. Decretal. Quæstio V.

ante Concilium Lateran. sub Alexandro III. ut not. Barbosa in c. *præterea*. 14. h.t. Nam postea sub Innoc. III. (ut constat ex c. *de multa* 28. h.t.) statutum est, ut si habens beneficium curatum, Personatum, vel dignitatem pacificam possessione, recipiat secundum simile, ipso jure vacet primum; quare ista sunt simpliciter incompatibilia.

329 Sequitur 3. qua diximus de incompatibilitate in *beneficiis curatis*, intelligi. 1. de illis, non solo habitu, sed actu, curatis. Quare beneficium curatum *solum habitu*, est simpliciter compatibile cum alio Curato in habitu, & actu; vel etiam cum Canonico, personalem residentiam exigente; sic Barbosa in c. *demultan.* 5. Secundò, si unum ab altero non dependeat; secùs, si unum alteri sit unitum c. 54. *Dudum*, de Elec*t*. ibi: *nisi una penderet ex altera*; tertio si utrumque sit *in titulum*; nam si habeat unum, *in titulum*; alterum, *in commendam*, volunt hunc casum ibi non comprehendit; sed hanc limitationem, quam etiam tenet Pirhing hic n. 130. (spectato decreto Tridentini *seff. 7. de reform. c. 4.*) aliqui non admittunt, esto veritas de rigore juris, ut videri potest apud Barbosam in c. *de multa* n. 6. & 7.

Sequitur 4. habentem plures dignitates sine dispensatione, esse ineligibilem ad beneficium c. *Cum jam Dudum.* 8. h. t. et si nihilominus eligatur, *censeri intrusum*, hoc est, ingressum absque jure. Nam *intrusus* ille dicitur, qui sine auctoritate ejus, cuius est beneficium, se in illud intromitit, vel absque jure, vel absque Canonicō titulo, vel per vim, & propriam auctoritatem; Azor. p. 2. l. 7. c. ult. q. 10. & hoc ipsum statuitur in talem, si post intrusionem, ante confirmationem, in eo beneficio ministret, vel post cassatam etiam confirmationem.

330 Sequitur 5. duos Canonici, vel beneficia uniformia, sub eodem testo, esse simpliciter incompatibilia. Cū enim habent idem officium, & onus; ac ad eundem finem eo tempore instituta sint, non potest unus utique satisfacere; Piascius in praxi Episcorum p. 2. c. 5. & 3. n. 73.

Sequitur 6. duo beneficia uniformia, sed non sub eodem testo, seu in diversis Ecclesiis, si non sint qualificata, esse incompatibilia *solum secundum quid*. Ratio

est, quia sic unum non impedit simpliciter alterum c. de *multa* §. *hoc idem*, modo non exigant ambo personalem residentiam.

Sequitur 7. duo beneficia, etiam simplicia, esse simpliciter incompatibilia, quando ambo exigunt personalem residentiam; quia si non potest utriusque satisfacere. Unde, quamvis de rigore juris possit quis sine dispensatione obtainere duo beneficia etiam curata, unum per se, alterum accessoriè. c. *Supero de præbend.* in 6. *juncta gl. fin.* hoc tamen non extenditur ad duos Canonici sub eodem testo, unum per se, alterum *accessoriè*, propter Clem. ult. h.t. contraria consuetudine non obstante c. 1. de *Confuetudine in 6.*

Sequitur 8. quod quis de rigore juris communis sine dispensatione licet retinet at Archidiaconatum, qui simul habet curam animarum, cum alio beneficio Parochiali accessoriè unito; sic Pirhing. h.t. n. 133. *dixi de rigore juris communis*, propter dicta n. 319. ex Tridentino. Duo autem beneficia ratione residentiae compatibilia, quorum neutrum seorsim sufficit ad decentem Beneficiati sustentationem, posse simul obtineri, aperte colligitur ex Trid. *seff. 24. de reform. c. 17.*

Sequitur 9. ubi est consuetudo, licet retineri duas Capellianas in eadem Ecclesia cum onere Sacrorum diversis temporibus, & in diversis Altaribus celebrandorum, quando neutra seorsim sufficit ad decentem sustentationem; quia sic nullam habent incompatibilitatem, & forent difformia; cūm habeant distincta onera: hinc nota, Parochum alicuius Ecclesiar, posse, præter suum beneficium curatum, retinere licet talem Capellaniam in eadem Ecclesia, modò neutrum seorsim sufficiat sustentationi decebit; Navarrus l. 3. *Conf.* 16. n. 1. & quamvis beneficia plura etiam incompatibilia possint ratione unionis obtineri, c. *super eo. 6. de præbend. in 6.* (Unde in his c. *de multa* non haber locum, per Barbosam *ibidem* n. 7.) videtur tamen aliud hodie jure Trid. de quo n. 319.

Sequitur 10. beneficia, etiam simplicia, quorum primum sufficit congrua sustentationi, esse incompatibilia, sed *secundum quid*; sic Abbas in c. *Cum jam dudum. &c. Extirpanda*, de præbend. item c. *Conquerente. de Cleric. non ref-* dent.

dent. Trid. sess. 24. de reform. c. 17. ibi: *Vnum tantum beneficium Ecclesiasticum singulis conferatur, quod quidem, si ad vitam ejus, cui confertur, honeste sufficiendam non sufficiat, licet nihilominus aliud beneficium simplex sufficiens, dummodo personalem residentiam non requirat, eidem conferri: & hoc decretum obtinet in omnibus personis, etiam Cardinalibus, & in omnibus beneficiis tam secularibus quam Regularibus quibuscumque, etiam commendatis, cujuscumque tituli, aut qualitatis, ut constat ex ipsiusmet verbis decreti; intellige, si requirant personalem residentiam, vel unum sine altero sufficiat: & quamvis aliqui apud Barbosam cit. n. 3. existimant, prædictam dispositionem Concilii non habere locum in beneficiis, quæ sunt de jure Patronatus, contrarium tamen multò probabilius est, ut liquet ex illis CC. verbis: *in quibuscumque beneficiis, cujuscumque tituli, aut qualitatibus, excipe, nisi cautum sit in ipsa fundatione, ut simul cum aliis retinere possit.**

334 Sequitur 11. nullà consuetudine, etiam immemoriali, vel jurata induci posse, ut quis sine Papæ dispensatione, licet obtineat, duo vel plurab beneficia simpliciter incompatibilia c. 1. de consuetudine in 6. hoc intellige, quando exigunt jure divino residentiam personalem, si enim tantum jure humano, & neutrum sufficiat ad congruam, ex iusta causa induci potest consuetudo contraria, ut sine dispensatione licet obtinere duo simplicia V. Azor p. 2. l. 6. c. 11. q. 6.

Textus dicti c. 1. Clarus est; sic enim loquitur Bonifacius VIII. *Consuetudinem, quam in vestra Ecclesia servatam asseritis tanto tempore, quod in contrarium memoria non exhibet, videlicet, quod ipsius Ecclesie Canonici duos Personatus, aut duas dignitates, vel Præposituras, seu administrationes, aut duo officia, vel eorum alterum cum reliquo simul & præbendam possint in ea licite, absque dispensatione Sedi Apostolice, obtinere, corruptelam (cum sacrissit inimica Canibus, & de ambitionis radice processerit) merito reputantes: eam Auctoritate Apostolica reprobamus, eosque ad ipsius observantium, etiam si juramento firma ta extiterit (cum iuramentum iniquitatis*

Zon. III.

vinculum non existat) decernimus non teneri: Statuentes, ut, cum unum officium vix digne valeat aliquis adimplere) nulli licet de cætero, nisi unicum Personatum, vel dignitatem, aut Præposituram, sive administrationem, vel officium perpetuum, quoconque nomine censeantur, cum præbenda insimul, absq; dispensatione dicta Sedis in eadem Ecclesia obtinere: vel jam obtenta tenere; quod, si a quoquam secus presumptum fuerit, sit omnino.

Ex hoc colliges, validam esse alicujus 335 Ecclesie consuetudinem, aut statum (sicuti Episcopi dispensationem,) ut unus in Ecclesia eadem, cum canonicali præbenda, dignitatem, Personatum, aut officium obtineat, v.g. ut idem sit Præpositus, & Canonicus; ita Gail hic Ver. *nisi unicum:* & deducitur ex c. Eam & 7. de Rescript. ubi Archidiaconus erat etiam Canonicus, & ex hoc per sensum contrarium: Cum enim Papa dicat, *duas dignitates, vel officia,* à Canonico in eadem Ecclesia obtineri non posse, absque Papali dispensatione; satis indicat, unam dignitatem, vel unum officium, cum Canonicali præbenda, absque Papæ dispensatione haberi posse; vide licet vigore consuetudinis, aut statuti, vel dispensationis Episcopalis, prout etiam tradidit. *Gl. in Clem. ult. in fine.* post Innoc. dicens: quod in duabus Canonici ejusdem Ecclesie non possit Episcopus dispensare, licet dispensare possit in Canonia, Personatu, vel Officio habendo unum eorum simul cum præbenda, juxta dicta.

Colliges 2. quod in eadem Ecclesia, abs que Papali dispensatione, non possit quis esse *triplex* vel etiam duplex in beneficiis *uniformibus*, v.g. habere duos Canonicos in eadem Ecclesia, & ne quidem per modum connexionis, uti DD. notant, ex c. literas 9. de præbend. sic glossa in dict. c. 1. de consuetudine in 6. & ideo Sacri Canones magis abhorrent à duobus beneficiis *uniformibus* in eadem Ecclesia, quam à duabus curatis in Ecclesiis diversis, uti colligitur ex c. super eo 6. de præb. in 6.

Præter dicta, quæres. *Quan licet obtinere, 336 ac retinere simul duas Capellanias in eadem Ecclesia, sed in diversis Altaribus?* Casus esse potest, si in uno Altari constituta sit Capellania cum onere duorum factorum per septimanam; in alio altera, cum onere trium factorum quod hebdomadis in eadem Ecclesia,

L. *dislin-*

82 Tract. in Lib. III. Decretal. Quæstio V.

distinctis temporibus. *w.* probabiliter affirmari cum Pirhing *cit. n. 138.* ubi talis consuetudo recepta est; modò neutra sufficiat ad sustentationem, quia sic nihil est, quod faciat incompatibilitatem, & cum habeant diversa onera, censentur beneficia *diformia*, de quibus à *n. 302.* Ex hoc deducitur, quod etiam Rector, seu Parochus alicujus Ecclesiae, prater suum beneficium Parochiale, seu curatum, simul retinere potest talem Capellaniam in eadem Ecclesiæ existentem; Sic Navarrus *l. 3. Consil. 16. n. 1. Consil. 22. n. 2.* addens, quod, *vi consuetudinis immemoralis*, possint quis etiam duas tales Capellaniæ in eadem Ecclesia retinere, una cum dignitate, vel officio modò dignitas, vel officium insufficiens sit ad honestam sustentationem.

337 Si autem quæras, 2. an liceat retinere simul plura beneficia simplicia, non exigentia residentiali personali? licet unum eorum sufficiat ad honestam sustentationem? affirmativam sequuntur Innocentius, & Rebuff, apud Pirhing. *n. 139.* sed negativa est verior spectato jure communii. Nam habentes plura beneficia, non necessaria ad vitæ sustentationem, sibi usurpant; & appropriant stipendia plurimum, occupant locum Clericorum pauperum instituendorum in illis beneficiis &c. sic Abbas in *c. cum jam dudum n. 8.* & in *c. extirpanda*, §. qui vero, de *p̄ebend.* & probari potest ex *c. conquerente*, de *Cleric. non resid. ac Trid. sej. 24. de ref. c. 17.*

§. 12.

De vacatione prioris beneficij per adoptionem secundi.

338 Ante resolutionem notandum, quatuor fuisse tempora prius, quam foret Concilium Tridentinum in quibus de beneficiorum pluralitate, concurrentia in eadem persona, actum est. Primum tempus erat ante CC. Lateranense sub Alexandro III. Secundum, tempus CC. Lateran. sub eodem Alejandro III. Tertium, tempus CC. Lateran. sub Innocentio III. Quartum tempus Constitutionis Extravag. Joannis 22. incipientis: *Execrabilis.* In primo tempore, *obtinens plura beneficia incompatibilia*, non perdebat ipso jure primum, adiectione secundi, nec ipso facto privabatur primo, si præsumere retinere secundum, sed in hoc casu dabatur ei optio,

unum retinendi, quod mallet, altero dimissio, ut constat ex *c. referente 7. de p̄ebend.* & consentit *c. præterea 14. cod.* hæc constitutio, seu dispositio loquitur generaliter de Ecclesiis. Unde Pirhing *de p̄ebend. n. 146.* docet, illam adhuc hodie locum habere posse in Ecclesiis, seu beneficiis non curatis v. g. duabus Canonicaribus, vel uno curato, & altero simplici, residentiam requirente, consequenter, cum utrumque retineri non possit, liberum manere beneficiato, unum, quod maluerit, retinere, dimissio altero, quia quoad hoc illi dispositioni per jura posteriora nihil est derogatum, quod videtur etiam procedere in casu, quo quis *simul*, ut non successivè, provisus est una dignitate, & una Parochia.

In secundo tempore nullus poterat re- 339 cipere diversas dignitates Ecclesiasticas, nec plures Ecclesiæ Parochiales, scilicet per sententiam, seu officium Judicis privatus erat secundum dignitate, vel Parochiæ, & conferens, potestate conferendi pro illâ vice privabatur, ex *c. quia nonnulli de Cleric. non resid.* Et nota, quod hæc constitutio sit posterior illâ, quæ habetur in *c. referente*: in tertio tempore statutum fuit, ut, si obtinens aliquod beneficium Curatum, recipiat alterum etiam Curatum actu, *prius optento*, ipso jure sit privatus, & si hoc secundum cum priore retinere contendat, etiam secundo privetur, ut dicatur *c. de multa 26. de p̄ebend.* intellige, si utrumque retineat usque ad litis contestationem; ita Pirhing *n. 150. §. not. 3.* Deinde in eodem *c.* additur, quod de curatis beneficiis dictum est, similiter observandum esse de Personatibus, & dignitatibus, *maxime* in eadem Ecclesia, etiam si curam animarum non haberent, quamvis circa personas sublimes (*intellige illeſtres, aut nobiles*) & *literatas*, que majoribus officiis sunt honorandæ, ex justa causa per Papam dispensari possit.

Not. autem hic specificè agi de pluribus 340 beneficiis Curatis, Personatibus, & dignitatibus; unde jure communi habens curatum, & recipiens aliud non curatum, non amittit *ipso jure* primum, licet secundum cum illo foret incompatibile, quia, in *c. de multa*, non est sermo *generalis* de quibuscumque incompatibilibus, licet jure